



Arubaanse Courant

Anja 25

DIAHUEBS 16 APRIL 1964

No. 5012.

APUNTES EDITORIAL

Labamento di panja

Ta kiko ta psando ultimamente cu W.E.B.? No mucho tempo pasa nos mester a gosa di un periodo den cual aparentemente e presion den tubo di awa a bai completamente - un handicap cu segun nos smaak ainda no a worde eliminadialuna dje siman aki un biaha mas nos mester a gosa di awa color bruin.

Nos ta comprende cu de bes en cuando ta necesario pa haci e tubonan limpi, y hopi biaha esaki ta resulta cu nos ta hanja awa color bruin pa un rato. Pero como cu recientemente nos tabatin esaki caba, nos a pensa di a salba di e placer aki por lo pronto. Pero que val Dialuna e awa tabata salí sushi trobe, por lo menos den companashi.

W.E.B. a escohe un bon momento trobe: net dialuna mainta ora cu tur amanan di cas mester laba panja.

No tabata posibel pa W.E.B. tumar na consideracion pa en todo caso laga e awa na paz ariba dialuna? Pa complacé cu tur e mamanan cu asina mes tin hopi trabao pa hanja nan panjanan blanco.

PROGRAMA ANJA DI LA REINA PUBLICA

ORANJESTAD, 16 april.- E celebracion di e cumplanja di Reina Juliana, kende ta cumpli 55 anja, lo cuminsa caba for di dia 28 di april, cu e Olympiade den Lago Sport Park, manera ta custumber. E Olympiade aki lo worde teni dia 28 y 29 di april. Lago Sport Park Olympiade, cu tabata por a termina riba un anochi, e anja aki ta pa prome biaha cu un anochi no ta suficiente pa duna e decena, sin ta centena di atletanan. Oportunidad. Un otro fiesta delant ta e baile di Oranje, cu ta worde organiza pa dia 29 di april door di Algemeen Nederland Verbond, completo cu e toast di mey anochi door di gezaghebber interino na salud di La Reina.

Dia 30 di april tin solamente un aubade, y esey ta banda 8'or na e pleenchi di misa di Santa Cruz. E anja aki e aubade lo worde dirigi pa sr. A. Dercksen. Solamente mucha di Sta. Cruz lo participa na e aubade aki. Banda 8'or lo cuminsa e concurso di canamento duro riba 8 km. na Malmok. Si e caballeronan sigui cana, anto ya pa banda di 8.45 por spera e finish na e oficina di DOW. E musica na Oranjestad lo cuminsa pa 8.30 na unda un fanfare lo cuminsa marchar den e cayanen. Pa esnan cu gusta mirabaliamento di sinta, bay banda di 9'or riba e speelplaatsnan di e schoolnan na San Nicolas. E parada y desfile di e marinieran por worde mirae anja aki dilanti bestuurskantoor y lo cuminsa pa 9.30 despues e mariniernan lo pasa den Oranjestad. E audiencia publico lo cuminsa

e aña aki pa 11.30 den Centro Cultural. Eynan e vice-presidente Arubano di Staten Osbaldo Croes, lo felicita La Reina cu su cumpli anja y tambe e poblacion di e isla. E deseonan aki el lo dirigi na gezaghebber interino I.S. de Cuba, como cu gobernador lo no bini Aruba e anja aki pa e ocasion aki.

Banda di dos or lo cuminsa na Paradera e weganan organiza pa subdivision di e Oranje comité di Paradera. Riba peticion di oficina di turismo por mira ballamento di cinta pa 4'or dilanti Aruba Caribbean Hotel, especialmente pa e turistanan y tambe e huespednan di Trans Caribbean Airways, cu lo ta dene hotel e dia ey. Pa 8'or di anochi lo tin e vuurwerk tradicional banda di DOW.

E dianan sigui lo tin algun fiestas mas. Dia 1 di mei, pa 7'or lo cuminsa un concurso di careda di bicicleta. Esey lo start for Lago Sport Park via Rooi Frances y Paradera, Santa Cruz, Tanki Leendert y Malmok y despues bek pa Lago Sport Park. Y si e

FATUM
Pa tur bo aseguran
Tel. 1845

wega pa mucha no por a termina e dia prome, anto dia 1 di mei nan lo sigui cu e weganan aki. Dia 3 di mei tin misa di gradimento na mei tin misa di Playa y tambe na Kerki di Oranjestad.

ROTARY TA FUNDA PROMER INTERACT CLUB NA ARUBA

Diamars, dia 14 di april pa 4'or di atardi tabata tin un reunion entre 16 mucha homber di e klasnan mas halto di Julianaschool junto cu nan maestro, sr. W. De Rooij, tambe di parti di Rotary Club di Aruba, sres. Albert H. Raven y Hans W. Trinler.

Objeto di e reunion aki tabata pa jega na e fundacion di e prome club interact na Aruba.

E clubnan interact, cu ta na tur parti di mundo, ta worde gesponsen pa e clubnan di Rotary, y tin como objeto pa duna servicio na e school y e comunidad. Algun di e actividadnan cu nan kier haci ta entre otro: Discusionnan di sucesonan actual, e investigacion di medidanan pa drecha e comprension internacional, ayudo na conferencianan di hobennan, correspondencia internacional, ricibimento y acompañamento di e studiantenan cu ta bishita lugarnan, ayudo pa manda estudiantenan extranheria, colecciona datonan tocante cierto profesionnan, intercambio di boeki y disco, haci un lugar den e comunidad, caminda por biba mihor etc.

Sr. Trinler a duna explicacion tocante e club Rotary y Rotary

internacional, y despues Sr. Raven a papia tocante e organizacion, determinacionnan y actividadnan di un club interact.

Despues nan a bay eligi directiva cu a duna e siguiente resultado: President: Milton Yarzagaray, vice-presidente Carlos Van Bochove, secretario Ruben Janey y tesorero Steven van Romondt. Miembronan ta Peter Daryanani, Roy Maduro, Daniel Cordeiro, Jose Brokke, Edgar Diaz, Bernhard Brokke, Hugo Schmidt, Johan Harms, Norral Alexander, Cornelis van Meurs, Sylvester Tromp Beltram Odor y Oslin Toppenberg.

Como number a worde escogi

AUTO A BOLTER

ORANJESTAD, 16 april.- Diamars merdia tabata tin un accidente di trafico na Savaneta, caminda e auto di famia A-3780, cu tabata manera pa V.J. a bolter. E chauffeur a declara, cu emester a kita pa un auto cu tabata bin den direccion contrario, corriendo duro y pasando otro autonan. E auto A-3780 a keda totalmente. E danjo ta worde calcula fl. 2 mil. E chauffeur a hanja algun rasca.

PASTOOR A CASA

Bonn, 16 April.- E ex-pastoor Aleman Mainka a casa ne Stadhuis di Bonn qun steno-tipista, Caecilia Roggaczewski cu tin 15 anja mas jong cune. Mainka algun siman pasa a tene un ultimo misa y a despedi di su parrochia que a nuncio que ta bai contrae matrimonio. Ora cu Mainka a sali di Stadhuis tabatin un cantidad di fotografonan di prensa. Y tabatin algun alternasion ora cu Mainka kier a stroba un fotografo di sa-cafoto.

BISHITA REAL NA MEXICO

ACAPULCO, 16 april.- La Reina Juliana, principe Bernhard y princesa Beatrix, manera anuncia a cuminsa cu nan tres dia di vakantie den e famoso Balneario Acapulco.

Na nan jegada ne luga aki e huespednan Real a wordu saluda pa autoridadnan civil y militar. Durante un seremonia corticu, e burgemeester di Acapulco a ofrese La Reina simbolicamente e yabinan di su ciudad y a declara e Reina Ulandes pa su huesped di honor.

E pareha Real y princesa Beatrix a keda den cas dje consejo

door di e reunion: Interact Club Juliana School. E sresnan aki lo worde instala durante e convencion di Rotary district, cu lo tumar lugar otro siman na Aruba.

Durante e convencion aki nan lo hanja e oportunidad di sera conoci cu e miembronan di clubnan interact for diferente ciudadnan di Venezuela y otro lugarnan di e districto. Tambe nan lo participa na diferente actividadnan durante e proximo convencion.

HAVE A REAL CIGARETTE

HAVE A

CAMEL



ARUBA'S FAVOURITE
CIGARETTE



Durante e bishita na e ballet Nacional Folklorico, Reina Juliana ta combersando cu un di e bailarinan amateur di Mexico.

dje direccion dje compania petrolera Mejicano, situa ne bahia di 15 km. Tambe nan por usa un playa priva ne luga menciona. Nan a come cerca e ex-president Miguel Aleman, cu tin un villa inasha bunita. Minister di asuntu-

nan exterior Mr. Luns, cu te ainda a compania e pareha Real y nan jui mayor princesa heredera Beatrix, lo sali for Acapulco pa pasa algun dia na Cuernavaca cerca su primo, e embahador Ulandes na Mejico, Van Houten.

Subsidio entrenador A.V.B.... B.C. ta respalda decision A.S.U.

Algun siman pasa door di e miembro di Eilandsraad F. Finck, di efraction di P.P.A. a worde haci cuatro pregunta na Bestuurscollege. Nos a publica e preguntanan aki y nan tur tabata tocante e nengamento di A.S.U. di duna subsidio na Aruba Voetbal Bond pa paga gastonan di un entrenador. E preguntanan tabata cu si B.C. ta na altura di cu A.S.U. a nenga A.V.B. subsidio pa paga gastonan di un entrenador, cu si B.C. ta di acuerdo cu e nengamento aki, cu si B.C. no ta haya cu e subsidio di Gobierno na A.S.U. mester worde utiliza pa deporte en general y cu pa haya e subsidio ey no mester ta necesario pa un bond of club ta afilia na A.S.U., y cu si B.C. ta dispuesto pa duna A.V.B. un subsidio apart.

Door di Bestuurscollege a worde duna awor contesta ariba e 4 preguntanan aki. E contestanan ta lo siguiente:

Ad 1. Nos Colegio ta na altura di e hecho cu Aruba Sport Unie a nenga Aruba Voetbal Bond pa paga e gastonan di un entrenador. For di informacionnan obteni, nos por a constata cu e decision aki di e directiva di A.S.U. ta basa ariba dos punto, esta:

1. Segun reglanan, cu ta valido na A.S.U., un contract cu un entrenador, pa cual A.S.U. ta duna subsidio, mester worde cerra door di A.S.U. E entrenador mester na satisfaccion di A.S.U. proba su capacidad door di entrega diploma of otro documentonan;

b. A.V.B. a perde su afiliacion cerca A.S.U.

Ad 2 E decision di A.S.U. ta den nos opinion, basa ariba loke ta menciona bao di sub 1, ta correcto.

Ad 3. Sigur nos ta di opinion cu e subsidio cu Eilandgebied ta pone disponible na beneficio di deporte via A.S.U. mester worde usa pa e deporte en general, pero tambe nos ta di opinion cu den casonan cu segun A.S.U. e bienestar general di e deporte ta worde perhudica, A.S.U. mester tin e derechod nenga un subsidio.

E bienestar general unicamente por worde yuda si a worde fihá reglanan y esakinan worde manteni.

Dunamento di subsidio na orga-

nisacionnan deportivo via di A.S.U. no ta depende di e afiliacion na A.S.U.. En relacion cu esaki nos ta muestra cu A.V.B., apesar di ta actualmente exclui di e afiliacion cerca A.S.U., tog ta haya subsidio. Ariba e peticion di A.V.B. pa subsidio pa cubri gastonan di e perdanan financiero sufrí den e competitie y torneonan 1962/1963 y e torneo pa Copa Juliana, Den su reunion di dia 22 di november 1963 A.S.U. a dicidi di duna e subsidio aki tan pronto e documento financiero, for di unda mester aparece e perdanan, a worde aproba door di e accountant di A.S.U.. Directiva di A.V.B. a worde poni na altura di e decision aki. Ad. 4 Teniendo tur esaki na



E tabatin di bin..... y un empresa Aleman a bin cu ne tambe. Serbetenan pa seca curpa cu portretnan di The Beatles.

Segun Beatle-fans e serbetenan aki ta seka mihor, mas suave y rapkdo. Nan lo sa.

E favorito di tur cocinero experto naturalmente ta Catsup del Monte

E UNICO MARCA DI CATSUP CU TA WORDU CUIDADO-SAMENTE PREPARA Y ELABORA CU TOMATINAN FRESCO..... SABROSO.... YEN DI VITAMINA..... mezcla cu vinager di anasa.

Duna bo cuminda e sabor delicioso, diferente y unico cu..

Catsup del Monte

agente pa Aruba

POSNER'S AGENCIES

Wilhelminastraat 68 - tel. 1490



ARUBAANSE KUNSTKRING

ta presenta e pianista

Mary Osieck-Ybes

DIABIERNE 17 APRIL 8.30 'or p.m.
den CENTRO CULTURAL

PA TYPE Y STENO

naturalmente

CURSUS SUCCES

ORANJESTAD
STA. CRUZ -
SAN NICOLAS.

Tel. 1534

Tel. 5791

cuenta, nos no ta considera cu tin motibu pa trata di kibra e decision di A.S.U., ni tampoco pa dunamento di subsidio pa deporte di Aruba worde decentralisa door di duna subsidio apart na Aruba Voetbal Bond. Te aki e contestanan duna door di A.V.B. na e preguntanan di e miembro di Eilandsraad F. Finck. Nan ta pues un completo apoyo na e forma den cual directiva di A.S.U. a trata e peticion di A.V.B. pa un subsidio pa cubri gastonan di un entrenador. Door di esaki Bestuurscollege a muestra di si ta tene e bienestar general na vista

Directiva di A.V.B. door di duna permiso pa kibra e Resolucion di A.S.U. a bira lomba pa e bienestar general di deporte di Aruba. Si e Resolucion di A.S.U. no tabata busca algo cu ta pa bienestar general di deporte arubano, anto indudablemente e lo no a haya atencion di Ministro. Si e Resolucion no tabata husto pa e deporte en general di Aruba, anto indudablemente lo tabata tin manifestacionnan contra di esey. Manifestacionnan cu por a worde expresa den prensa y radio y tambe naturalmente den reunionnan general di A.S.U. Al contrario, e bondnan afilia na A.S.U. ta -muestra unicamente di tapara tras di e resolucion.

Directiva di Aruba Voetbal Bond, a haya bon di no tene su mes na e Resolucion di A.S.U. y pa e motibu ey, segun decreto di Reunion General di A.S.U. ta perde su afiliacion di A.S.U. Nos ta hanja anto cu A.V.B. no ke tene su mes na reglamento, pero si nan ta desea di goze di subsidio. Ta algo cu naturalmente no por bai hunto. A.S.U. tin di percura pa bienestar general di deporte y no por permiti cu A.V.B. ta menosprecia e Resolucion y tog por hanja tur loke e pidi.

KE HUBO DI 9-9???

En relacion cu esaki ta bon pa trece adlanti com A.V.B. despues di laga e resolucion di A.S.U. un banda na september di aña pasa a trata di hanja igualdad cerca nan amigonan di Corsow den seno di N.A.V.U. Den un reunion general di Curacao Voetbal Bond, e otro organo cu hunto cu A.V.B. ta forma N.A.V.U., e proposicion di igualdad 9-9, a ricibi un bola preto den propio presencia di un delegacion di directiva di A.V.B.

Ni e personanan cu ta colega di e arubananan den directiva di N.A.V.U. tabata tin e gentileza di vota na favor di e proposicion ey. Y apesar di e esaki nos ta haya cu A.V.B. ta sigi respalda e señornan ey com-



Materialnan di construccion di calidad y na prijs atractiva esey ta solamente na

PETRONA & CROES

WAAK
BON
PROME BO
CUMPRAL

Un auto mancaron bo por cambia.....
un sapato mancaron bo por cambia.....
pero un vloer di mosaico mancaron si ta un problema grandil

Pesey waak bon prome cu bo cumpra,
Nos ta spera bo na
FABRICA DI MOSAICOS

PICHARDO

Barbadoweg 8 - Portrero entrada Rondweg pariba di Aruba Gas Supply.

tel. 1673

pletamente door di sigi duna apoyo na kibramento di e Resolucion di A.S.U.

Ariba di e mes miembro di eilandsraad E. Finck, apoya e blaha aki pa dos otro companje-ro F. Lacle y J. Erasmus, a worde poni ariba e agenda di e reunion di Eilandsraad di awe noch un punto mas. E punto aki ta trata tocante e "beleid" di A.S.U. en relacion cu e subsidio.

Siete anja pa M.L.

San Nicolaas, 16 April.-E Bonaireano M.L. di 51 anja kende dia 24 di Februari ultimo a hinka e Curazolenjo Alberto H. Supriana cu un cuchu den pecho, kende aparentemente kier a drenta cas di M.L., locual a costa su bida, a worde sentencia pa huez pa siete anja di prison. E demanda tabata ocho.

Campeonato J.L. habri 18 April

(Di Nos Redactor Deportivo)
Ora cu diaSabra awor dia 18 di april pa 2'or di merdia PlayBall lo worde canta pa habri e campeonato di Junior League lo ta e dos equiponan Brasil y Friesche Vlag lo enfrenta otro.

Prome cu e partido inaugural lo tin un ceremonia consistiendo di e defile di e clubnan participante den e campeonato y tambe discurso di e president di A.B.B.A.



Ultimamente ora cu Caroline Maulding, jiu muher di Chancellor of the Exchequer Ingles, Reginald Maulding a presenta den un bikini na un show caricativo na Londen, na beneficio di e victimanan di thalidomide, e Londenese a bisa cu kizas door di esaki e lo gana poco voto tambe pa su tata.

Facil triunfo di Tropical riba Juventud

(Di Nos Redactor Deportivo)
Cu un triunfo di 6 gol pa 2 obtiení diamars anochi ariba e cancha di Juventud Millionarios, e equipo di Tropical a sigura su mes di por competi pa durante por lo menos un aña mas den e clase mayor di nos futbol. Tabata pa Tropical e ultimo wega di e campeonato 1963, cual falta ainda un wega pa keda completa, y awor nan a yega na un total di diez punto, loke ta pone nan completamente for di alcance di Aruba Jrs. Otro consecuencia cu e resultado di e partido Tropical-Juventud tin ta cu awor ta sigur cu Aruba Jrs. lo no tin oncena ta competi den hoofdklasse durante e proximo temporada. Despues di masha hopi anja e club aki pues lo no ta representa den e clase mayor di nos futbol. Segun expresion di e hurgadornan sinembargo, nan lo no keda mas cu un aña den A-klasse. Nan ta sigur cu despues di esun aña ey nan lo ta back den hoofdklasse.

Juventud a cuminsa e partido di diamars anochi cu Hans - Wiersma den gol. Na su man a worde anota e dos prome golnan.

Den di 15 minuut di wega Casper Boekhoudt a habri e score y ocho minuut despues e mes hungador aki a bolbe anota pa aumenta e ventaha di su team na 2-0. Cu e gol aki keeper Wiersma a worde cambia pa e portero regular Henry Kock. Cu e score aki e promer 45 minutnan di wega a termina. Ocho minuut despues di reanudacion Benny Brete ta percura pa gol number tres di Tropical.

Ta sigui otro anotacion di Tropical den di 25 minuut produci door di Casper Boekhoudt, su tercer di e anochi y number cuatro pa su team. Delantero Teobaldo Maduro di Juventud ta anota e prome di



"SANTA PAULA" y "SANTA ROSA" bapornan

● moderno di **GRACE LINE**, semanalmente ta trece turista y carga pa nos isla.

*Usa e servicio eficiente di **GRACE LINE** biaha via **GRACE.**

Agente:

**EMAN TRADING
CO. INC**

Oficina tel: 1156-1554-

5054-5055

Dock tel: 2135



su club den di 30 minuut. No ta pasa ni un minuut despues di esaki cu Tropical ta bolbe score. E blaha aki ta Simon Danies ta manda e bala den net tras di keeper Kock. Faltando cinco minuut pa e partido caba Benny Brete ta score su di dos tanto y number seis pa Tropical.

Un minuut despues e ultimo gol di wega ta worde anota door di Juancho Kock e futbolista cantante, di Juventud. E partido a caba cu score di 6 pa 2 den favor di Tropical. E triunfo aki pa Tropical tabata un repetición di loke a tumar luga den e promer rond, ora cu Tropical a gana cu score di 5 pa 2.

Cu 5 triunfo, ocho derrota y un empate pues Tropical a completa su record di e campeonato 1963. Debi na cu nan a bandona tereno contra di R.C.A. den e segundo rond, segun reglamentonan nan mester perde un punto, loke ta trece nan total na 10.

Directiva nobo ICA

Directiva nobo pa I.C.A.
Oranjestad, 16 April. - Recientemente durante un reunion general pa miembronan di Indische Club Aruba un directiva nobo a ser elhi. E directiva awor ta forma door di senjores B. van Dongen, P. Samml, J. Groot, R. van der Smitte, J. Nomes y C. Meyers, tambe pa senjora D. Bezems. E pusionan lo worde reparti mas despues. Durante e reunion Señor J. Hilgers kende pa anjanan largo tabata presidente, a worde gradici pa tur loke el a haci pa e club. Detalladamente nan a delibera tocante plannan pa traha un club. Ya nan tin un pida terreno caba banda di e edificio di Roode Kruis na Dakota, cual nan a tumar na Erfracht special cu e intencion aki.

Olimpiada L.S.P.

(Di Nos Redactor Deportivo)

Segun informacion obteni e anja aki pa di promer biaha e Olimpiade di Lago Sport Park lo worde parti den dos fecha. Es decir cu riba dos anochi lo tin actividadnan den Lago Sport Park cu anualmente ta worde organisa en coneccion cu e celebracion di cumpleaños di Su Mahestad Reina Juliana. Ariba dia Mars dia 28 lo tin pues e encuentronan di atletismo y ciclismo cu anja tras anja ta atrae un multitud enorme den Lago Sport Park.

E directiva di e organisacion a dicidi e anja aki di usa dos fecha debi na e cantidad grandi di par-

ticipantenan cu ta worde spera. Ta parce nos un bon idea ya cu e programanan, debi na e cantidad grandi di participantenan, den ultimo anjanan tabata caba hopi laat.

SPORTCLUB ESSO SERVICENTER A WORDE FUNDA

ORANJESTAD, 16 di april. - Dia 17 di april 1961 a worde funda na Aruba Sport Club di Esso Servicenters, di cual e statutonanya a worde aproba door di gouverneur. E statutonan definitivo a worde determina na e reunion general pa miembronan extraordinario di dia 17 di oktober 1963.

Sr. Arendel Legrand a keda nombra como president di e club, sr. Andries German como vicepresidente, sr. Robert E. Pieters secretario, Jose M. Kock tesoro y Jorge Godet 2do secretario.

E club tin miembronan corrientes y miembronan sostenedor. E miembronan corriente ta personanan mayor di 16 anja, kendenan a pidi pa bira miembropor escrito cerca e directiva y cu a worde accepta tambe como miembro.

Finck-De Cuba-Erasmus tocante di A.S.U.

Oranjestad, 16 April. - Ariba peticion di e miembronan Eilandsraad E.R. Finck, M. De Cuba y J. Erasmus, tur perteneciendo na e fraccion di PPA, a worde agrega un punto extra na e agenda di reunion publico pa awe venidero. E obheito ta: E manera di reparti e subsidio di gobierno cu Arubaanse Sport Uni ta practica.

KIEBRA DEN PARTIDO COMUNISTA NA INDIA

NUEVA DELHI, 16 april. - E partido comunista na India, a schors tur e 32 miembronan dje consejo di partido, cu siman pasa pa apoyo na un intento pa baha direccion dje movimentu.

E comunistanan geschors, cu ta pertenesene agrupacionnan izquierdista y central dje partido, a dal porta serra siman pasa diasabra despues di debattenan pikante cu nan partidarijonan derechista den sala di reunion. Nan a exigul pa e president di partido pone e martin un banda, mientras tanto cu e consejo di partido ta haci entre cambio di India tocante cartanan cu el a scribi 40 anja pasa foi prison den cua e ta ofrese e direccion Britanico su cooperacion. E president di partido, Dange a desmenti esaki.

Dia 25 henter dia trabao-dia 2 liber

Oranjestad, 16 April. - Asina leeuw cu Dienst ta permiti esey tur ambtenaarnan den Eilandsdienst lo traha diasabra, 25 di e luna aki henter dia, pa asina dia 2 di mei venidero nan por hanja henter dia liber. E anja aki anja di La Reina ta cai ariba dia 30 di April, esta ariba un diahuebs, mientras cu dia 1 Mei dia di obrero, manera tradicion ta un dia liber, cu ta siguiente dia esta diabierna. Pa duna e ambtenaarnan un weekend extra largo, Bestuurscollege a dicidi pa duna nan oportunidad pa "gana" nan dia liber dia 2 di Mei venidero.

Proceso contra teroristanan Jugoslavo

RIJEKA, 16 april. - Ne di dos dia dje proceso contra 9 emigrante di Jugoslavia dje acusadonan, Kreunir Oerkovic di 29 anja, a admiti cu un luna despues cu el a bira miembro dje organisacion Kroatico contra Tito na Australia, nan a mandele bek Europa comete hechonan terorista den su patria.

E 9 Jugoslavonan anja pasa a keda a aresta na juli a wordu acusa di crimennan contra e pueblo y estado. E fiscal, a bisa ne inauguracion dje proceso, cu nan tabata equipa cu explosivo, pistol, punjal, radio transistor, pero cu nan a wordu aresta prome dia haci algul

Desaroyo proceso di Euthanasia

WILBURG, 16 april. - Mas di un tercera parti dje psiquiaternan aleman tabata di acuerdo cu e medidanan di Euthanasia di Nazinan, segun un declaracion dje acusado mas importante dje proceso di Euthanasia na Limburg, Werner Heyde Alias Sawade cu poco prome cu cumzamento dje proceso a comete suicidio.

E unico cu ta wordu sentenciado ainda ta Dr. Hans Hefelmann di 57 anja, acusa di complicitad ne asesinato riba 73.000 persona debil di mente. Heyde na oktober di 1961 a declara ne investigacion provincial, cu el a wordu obliga pa Viktor Brack, hefe interino di cancelaria Philipp Bouhler, di coopera ne acta di asesinato di compasion. Si el a ninga e lo a hanja dificultad pasobra e tabata e envolti den un asunto complicado di moralidad.

General Branco ta acepta puesto

BRASILIA, 16 april.- General Humberto Branco ta acepta su puesto di president di Brasil. E gobernadornan dje 22 estadonany e cuerpo diplomatico lo asisti e aceptacion di puesto den e capital federal. E lo ricibi e sjerp di puesto foi man di esposa dje general revolucionario G. Carlos Luiz Guedes, den nomber di tur e muhernan di Minas Gerais cu parcialmente a inspira e lantamento.

Situacion na Cyprus

Nicosia, april - Na un tiramento na Nicosia a muri awe mainta un Chipriota Griego; segun un bosero di Nacionnan Uni a participa. Dos Chipriota Griego a keda herida. E bringamentu cu a cuminsa ne tal linea berde, e fronter di armistiskio den centro dje ciudad.

Un dje dos heridonan despues a muri. Un unidad Britanico di forza di guerra di Nacionnan Uni a wordu manda cu urgencia pe lucha dje bringamentu. E bosero dje organisacion di pueblonan a bisa tambe, cu nan a saquea na Onorphita un ciudad di Nicosia. Tambe te ainda tin deliberacion entre representantenan di Nacionnan Uni y lidernan dje Chipriotanan Turco tocante ocupacion di un serru cerca dje pueblo Griego Chipriotanan Turco cu za riba e serru, retira.

MAL TEMPO NA PAKISTAN

KARATSJI, 16 april - Segun e recien noticianan ricibi na Karatsji a muri en total 310 persona como consecuencia di mal tempu cu a azota e fin di siman aki e distrito Jessore na oost Pakistan. Segun anuncia na Karatsji.

Observadornan politico ta kere cu no ta probable cu e lo trespase cambio den ocupacion di puesto nan clave den e gabinete di Ranieri Mazzili, president dje congreso cu fol e lantamentu tabata temporalmente president di Brasil.

Tubercoloses den mundu

Ginebra,

Dr. Marcelino Candau, den un mensahe en ocasion dje di 16 aniversario di e convencion dje organisacion amustra un biaha mas riba e peliger continuo di tubercolosis. Combatimentu dje enfermedad aki ta forma thema dje dia di salubridad mundial. Riba henter mundu tin por lo menos 15 millon persona cu ta sufrir di tubercolosis, segun Dr. Candau, y cada anja ta muri mas cu tres mil persona ne enfermedad aki. El a mustra, cu investigacionnan den territorio menos, desarrollo a mustra, cu mas di cien persona ta sufrir di T.B.C. contagioso y cu 70 porciento di muchanan ta contagia prome cu nan tin 14 anja.

MODA HULANDES NA MERCA

NEW YORK, 16 april.- Den tur parti di Merca nan por a mira den e famoso show di television "today" durante 10 minuut creacionnan di 25 empresa di confectione y modistanan, huntu formando "fashion flight", a wordu mustra riba e di 65 piso dje edificio R.C.A. pa 9 mannequin famoso di Ulanda.

Pa ladu speaker, senjora Alice Oppenheim di 24 anja di Voorburg, e show tabata nifica un gran aventura.

Tabata entre otro di prome blaha, den bida dje stewardess di KLM cu e ta actua den un mode-



BO
TA
SPAAR
HOPI
TEMPO

cu un
WASMACHINE
AUTOMATICO!

show. "Mi tabata tembla riba mi pla y mi tabata kere cu na cual kler momento mi stem lo a bai! Den dos anja cu mi ta traha como stewardess cerca KLM, mi meste a tene un paar di blaha lectionan pero hamas mi presenta un modeshow!" segun senjora Oppenheim a bisa alivia despues di e show.

SUPERIORIDAD MERICANO

WASHINGTON, 16 april - Ministerio mericano di defensa ayera nochi a bisa den un declaracion cu e superioridad militar mericano en bista di union sovietica a bira mas grandi y lo sigui aumenta. E declaracion ta sigui un testimonio di general Curtis Lemay, hefe di staf di forza aerea, pa un comision di congreso na februari. E general a bisa e tempu ey, cu e superioridad militar mericano enbista di Rusia ta baha. Ministerio mericano di defensa a menciona general Lemay.



E Beatlenenan ta causando furor entre e teenernan. E sympatia di e fanan ta bai asina leeuw cu hasta ya nan a renombra un calla na Rotterdam pa nan. Beatrissstraat cu uso di poco verf a bira Beatlesstraat.

Aruba A DRENTA "Jet Age"

TRANS CARIBBEAN SU "5th ENGINE FAN JETS" TA SALI FOR DI
ARUBA PA NEW YORK PA SOLAMENTE \$78,25 PA VUELO ★

Bo por sali for di Aruba cualkier Diamars, Diabierne of Diadomingo. Un "Fan Jet" ta hibabo San Juan den menos cu un ora, y bo por baha na New York den menos cu cuater ora.
(Sin cambia avion)

E avionnan di Trans Caribbean tin cuater motor grandi di jet cual ta du-
na e avionnan e rapidez y e forza di 5 motor di jet ordinario.

Nunca un vuelo tabata asina suave, calmo y asina confortabel, manera
den un "5th Engine Jet." Bisa bo agente di biahe cu bo ke bai cu Trans Ca-
ribbean.

★ Basá riba un tariva di excursion "round trip" di 15 dia, saliendo for di
Aruba.



TRANS CARIBBEAN
THE '5TH ENGINE' FAN JETLINE

Sterilisacion na Alemania

E gobierno di Alemania occidental quier entrega un proyecto di ley pa legalisa sterilisacion voluntaria, asina e minister Aleman di husticia, Drewald Bucher, a participa den parlamento.

Aunque cu no tabatin mas detalles, un portavoz di e ministerio Aleman di husticia a bisa, cu ta e intencion, cu e proyecto di ley bira aplicable pa esnan cu a comete delitonan moral y ribahendenan, cu ta sufrir di enfermedadnan di famia. E portavoz a agrega cu sterilisacion como medio pa limita nacementu ta completamentu un otro asunto.

Kodak

E Rusonan na Cuba

Washington, april - Awe a worde informa na Washington cu te ainda militarnan Ruso-Sovietico ta worde retira for di Cuba. Inoficialmente ta worde calcula cu te ainda tin mas o menos cuater mil militar Ruso riba isla.

Durante ex crisis Cubano di oktober di anya 1962 tabatin segun

Rechazo Cubano di yudanza Mericano

WASHINGTON, 16 april - Roy Rubottom, minister asistente di asuntunan exterior encarga cu asuntunan interamericano na april 1959 durante un bishita di Fidel Castro na Washington a invita un grupo di colaborador dje prome minister Cubano, pa muestra cual ayudo Cuba tin mes- te. Esaki tabata algun luna prome cu e regimen di Castro a bin na poder. E oferta mericano a wordu rechaza pe cubanonan. Asina un bosero dje ministerio mericano di asuntunan exterior a declara ayera en relacion cu un noticia di prensa. Esaki tabata e ultimo di Merca na Cuba segun e bosero.-

Bom di cien megaton

WASHINGTON, 16 april.- Ehefe di staf di forza aerea Mericano general Curtis Lemay, ta di opinion cu Merca mester desarolla un bom di cien megaton pasobra Rusia ta na punto di llega pareu cu Merca riba terreno militar. General Lemay a bisa esaki dia 25 di februari pe comision di donan. E declaracion aki a ser publica ultimamente.

E general ta kere cu e minister di defensa McNamara, a elogia muchu e situacion riba terreno di defensa cu raketnan. Un sistema di defensa cu ta completamente basa riba raketnan por paralisar defensa di Merca den futuro, segun e ta kere. Un tal sistema no ta suficientemente flexible.

Proyectielnan pa flota Alemania W

BONN, 16 april.- E prome tres bapornan cazador di torpedu cu raketnan di e tipo "Tartar" ta worde cumpra na Merca, asina e minister aleman pa defensa, Kai Uwe Von Hassel a participa den un programa na television.

Pero ainda e comisionnan di defensa y presupuesto no a duna nan opinion oficial tocante e asunto aqui.



E parasolonan aki tin algo paresido di esnan di Aruba na Eagle Beach. E lugar caminda esakinan ta keda ta na un antes beach di un yacht club masha o-

cupa na Havana Cuba. Pero como cu casi no ta bai turistanan mas Cuba, e beach aki tambe ta un di esnan cu majoria parti ta completamente bashi.

Kennedy Half Dollar- Esaki ta e mitar dollar Mericano cual a worde saka na honor di e President F. Kennedy. E foto ta muestra nos e banda adelanti y e banda patras di e moneda. Ariba e banda adelanti ta aparece e cara di Kennedy. Apesar cu e moneda ta worde traha como un conmemorativo e ta worde usa normalmente. Sin embargo colectadornan ta colectando tanto posibel.

MENSAJE A LOS SERES QUE SUFREN....

Clarividente y Consejera de fama mundial

Predice los destinos humanos por medio de su verdadero poder oculto; regulariza la salud y la suerte de las personas por medio de RADIO-ACTIVIDAD MAGNETICA. Devuelve la felicidad a los esposos, novios o amantes. Resuelve su matrimonio en el tiem-

po que Ud. quiera. Devuelve al ser querido por alejado que se encuentre. Ella le dará suertr para que triunfe Ud. en el amor, negocios, empleos y en toda clase de juegos de azar. Trabajos de sugestión, magnetismo, espiritismo y ocultismo. Retira daños, maledicios, salaciones, dificultades y enemigos. En todo el Universo hay miles de personas que por su intermedio han logrado recuperar la felicidad ya perdida. Comuniqua hoy mismo su problema, envíe su fecha de nacimiento, nombre de un familiar fallecido y 1 Dólar para gastos de Correo. - Dirija exclusivamente sus cartas a:

CIRCE DE ZEUS

Apartado No. 720 -- Quito, Ecuador.



DI DOS CONFERENCIA AFRICANO-AZIATICO

DJAKARTA, 16 april.- E reunion preparativo na Djakarta pa tene un di dos conferencia Africano Aziatico, a termina sin cu nan a dicidi si Rusia y Maleisia lo wordu invita pe conferencia.

India a propone pa invita ambos pais pero Republica Popular Chines tabata contra invasions di Rusia mientras cu Indonesia tabata contra invasions di Maleisia, pasobra esaki lo ta un proyecto ne colonialista.

A bolbe perde bista

Un muher cu ta biba den becindario di Belgrado cu 13 anja pasa a bira siegu, algun dia pasa a descubri ora quel a splerta y por mira. Segun e corant di Jugoslavia "Politika", el a recupera su bista pa solamente algun ora door di qua e por a mira su jiu di 5 anja. E docternan lo bolbe sometiele na un investigacion nobo.

TRAFICO NA TOKIO

Tokio, 16 April.-E candidad di mortonan riba e caminda di Tokio tesun di mas altu den mundu, segun e resulta foi un rapport di polis local. Anja pasa a muri 1986 persona na desgracia nan di trafico na Tokio, cu ta un promedio di 9,4 morto pa 100.000 habitante.

"KLOK" DEN ESPACIO

CABO KENNEDY, 16 april - - Cientificonan a lansa ayera fol Cabo Kennedy dek den estado mericano Florida un cohete espacial chiqui den forma di un klok cu ta pisa 90 kilogram. Cu ayudo dje lansamento aki nan kler mira cual peliger tin pa astronautanan, ora cu nan regresa mundu bek cu un veloci dad di 40 mil km pa ora di un viahe di luna.



Esaki ta e avion-rocket experimental nobo Mericano X-15 A-2, cu ta worde musta na North American Aviation Inc. na Los Angeles, California. E tipo aki ta renoba cu tankinan di gasolin afor di e avion, extension di gas mas largo y diferente otro cambionan mas pa mehora e avion experimental.

Bishita Real na Mexico

Hopi partinan di Mexico a worde bishita pa Reina Juliana, Principe Bernhard y Prinses Beatrix. Aki entre otro nos ta mira Reina Juliana firmando e buki di huespednan na e momento di independencia na Mexico City.



AGENDA

RADIO CARACAS TELEVISION

ARUBAANSE COURANT
diariamente cu excepcion di
diadomingo
subscription f. 3,25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.
imprimi na:
N.V. DRUKKERIJ
„DE STAD,”
Telefoon 1116 Directiva y redac-
cion, 2116 Anuncio y subscrip-
cion.
Directeur hoofdredacteur:
D. Wolff.

**POR CUMPRAN ARUBAANSE
COURANT NA E SIGUENTE
LUGARNAN:**

NA ORANJESTAD:
BOEKHANDEL MARISKA.
PIET SODA FOUNTAIN.
REFRESQUERIA INGRID.

NA SAN NICOLAS
NICOLAAS STORE.
UNION STORE.

8.45 Senderos de luz
9.00 T.V. Educativa
10.00 Documentales
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y apar te
14.45 Estudio de Hector Monte-
verde
15.15 Perfecta ama de casa
15.45 Aventuras P opeye y Yeyo
16.00 Mejias y sus muchachos
16.45 Tic Tac Toc
16.55 Busque su marca.
17.15 Loteria.
17.30 Revolver a la orden.
18.00 El Santo.
19.00 Los detectives.
19.30 Pajaros de acero
20.00 El observador.
20.15 Torrealba y sus Torre-
alberos.
20.45 Esta noche Billo.
21.15 El matrimonio perfecto.
21.45 Los Defensores.
22.45 Noticias.
23.00 Cine en Español.

CINE

De Veer: 8.30 p.m. "Bridge
to the Sun" 18 j
Rialto: 8.00 p.m. "Secret of
Deep Harbor" 18 j
Principal: 8.00 p.m. "The Se-
cret of Monte Cristo" all
Aurora: 7.30 p.m. "World in
my Pocket" 18 j
Savaneta: 8.00 p.m. "Aqui es-
tan los villalobos" 18 j

BOTICANAN DI WARD

Nachtdiensten: Oranjestad Boti-
ca del Pueblo Tel. 1253-2154.
San Nicolas Botica San Lucas
Tel: 5119.

TELEARUBA

5.30 Cartoons
6.00 Public Service
6.30 Corliss Archer
6.45 Papiamento Newscast Live
& Filmnews
7.30 Sea Hunt
7.45 Papiamento Sportnews
8.15 Tombstone Territory
8.45 The Honeymooners
9.00 English Newscast Live &
Filmnews
10.00 Ben Casey
10.30 Border Patrol

POR FIN E AMOR VERDADERO

NOVELA

No. 14.

Pro-
mé Vera no kler tende di bay
cas, pero despues su casa a
trana un cara pé, el a dicidi di
keda keto. Na un manera cor-
dial el a sunchi Brigit, ora cu
nan a despedi dilanti e bar. Nan
a laga Brigit cu Frenky so bay.
Apenas nan por a mira otro den
e scuridad. "Bo kler pa nos kei-
ro un rato mas," Frenky a pun-
tra. Brigit no a worry cu Fren-
ky a bolbe brazé. El a primi
Brigit un poco contra su curpa,
y ora cu Brigit a bolbe bira su
cara, e por a sinti Frenky su
rosea cayente riba su cara. Bri-
git no tabata paga tino riba e ca-
mindu cu nan tabata bay. Te o-
ra cu Frenky a puntra: "Bo sa
unda nos ta awor?" Brigit a cor-
re waak pafo, y a ripara cu nan
tabata riba e caminda cu ta bay
na e parque den ciudad. Net ca-
mindu cu algun luna pasá, Bri-
git a subi cu Frenky. E recuer-
do di e mainta ey, ta haci Bri-
git su sanger subi na su cabez.
"For di e dia ey, tur mainta mi

ta pasa poco poco akibanda den
mi auto", Frenky a bisa. "Si,
harimi numa, mi sa cu mi ta
comportami manera un mucha di
school. Pero a pasa asina hopi
cos, cu mi ta compronde mas
Brigit. Mescos, mi tabata tin
miedo. Miedo cu hamas lo mi ha-
ya e oportunidad pa bisabo lo-
ke mi ta sinti pa bo. Bon mira
mi no tabata tin razon pa bin na
e lugar aki. Pasobra mi no ta-
bata topa cu bo akinan. Pero mi
no sa dicon, mi ta stima e luga
aki. Pasobra akinan mi por a ri-
para pa promé biaha, cu bo ta-
bata contento di mirami. Bo ta
gusta pa mi papia tocante esey?
Bisami Brigit, sino mi ta stop.
Pero mi no kler, pa ainda tin
algo cu ta stroba entre nos dos.
Contra amor, un hende no por
bringa. Ainda bo ta pensando ri-
ba dje, y si no tabata asina, lo
bo no jama Brigit. Simanlan lar-
go bo a bringa contra bo mes. Y
ora bo a bin awe, mi a sintimi e
hende di mas felis riba mundo.
Pero si bo a tuma un otro deci-

E misterio di "Christine"

London, 16 April. E abogado di
Lord Anderson, e donjo dje ya-
te Britanico cu a disparese na
Januari pasa riba un manera
misterioso a hala ayera aden e
declaracion cu Anderson a du-
na prome como si fuera nan ta
usa e yata pa transporte di un
parti dje robo comete riba e
trein di Coreo na Glasgow na
London pa Francia. Prome An-
derson a declara periodistanan
cu abordo di Christine tabatin dos
hombes desconosi, cu tabatin dos
maleta cun suma di 10 million
florin. Pero si Anderson ta re-
conose actualmente segun su a-
bogado cu tabata e intension cu
despues cu a laga sink e yate
nan lo a dunele como perdi asi-
na cu su complisenan por ricibi
un pago di un seguro di bida quel
a serra. Ne ultimo momento el

a hanja miedu, cu esakinan lola-
ga disparese pa semper.

BRITANICO TOCANTE CHROETSJEF

LONDEN, 15 april - Den un
programa di television en rela-
sion cu e di 70 aniversario dje
prome minister Chroetsjef Ha-
rols Wilson lider dje partido
labourista a bisa ayera noch,
cu e lider ruso tin un sinti
brillante y don natural pa po-
litica.

Quintin Hogg, secretario di es-
tado pa ensenanza y ciencia cu
ta contra cu Chroetsjef na Mos-
cu na firmamentu dje tratado
nuclear a bisa den e transmi-
sion: E tin tur cualida, cu un
bon politico tin meste; sabidu-
ria, y un vitalidad enorme.

FIANZANAN MERICANO PA LATINO AMERICA

Washington, 16 April.-Merca a
ofrese un fianza di 750 million
dollar ne Inter American Deve-
lopment Bank pa fianzanan facil
pa proyectonan di desarrollo so-
cial na Latino America. E con-
tribusion Mericano ta parti di un
acuerdo caminda miembronan
Latino Americano a pone 150 mil-
lon dollar disponibel pa fianzanan
facil di pago.

Na fin dje siman aki nan ta spe-
ra den capital Britanico un de-
legacion Ruso di aviasion, cu ri-
ba invitacion dje minister Bri-
tanico di aviasion ta haciendo un
bishita di algun dia na Inglaterra.
Lo forma parti dje delegacion en-
tre otro Serge Chroetsjef, e jiu di
29 anja dje prome minister Ruso,
y e disenyador Ruso di avion
Iljoesjin.

bez, y a cuminsa hari asina irri-
tante, cu Laure no por a soporta.

El a corre habri e porta. "José,
mi Dios, José, ta kiko ta pasan-
do? Bisa algo..., e ta mas malo
di loke bo a kere?" "Malo?",
José a puntra desgustá. "No,
Laure, e no ta malo. E ta com-
pletamente boni. Mas cu boni Ten-
de, bo tata ta aki ainda?" "Si,
pero....por favor José, bisami
promé kiko a pasa. Bo cara ta
asina palido". "Mi ta keda aki-
nan, Laure, mi no tin mester di
bay bek mas. Loke mi kler a han-
ja sa, ya mi sa caba. Bo sa kiko
ta un payaso?" "Si, mi ta kere cu
si, esey ta un hende.... wel esey
ta un hende cu ta haci coy pret, y
cu otro hende ta hari nan". "Ma-
sha bon bisá Si, otro hende ta ha-
rinan, esey ta loke abo tambe
mester haci. Si, harimi numa!"
Pero :Laure no tabata hari. Al con-
trario, su wowonan tabata grandi
di desesperacion. "Bo sa, kiko mi
kler a haci?", José a puntra. "Mi
kler a lubida mi carrerapor com-
pleto. Mi kler a laga boso plantá,

abo cu bo tata! Pero lo bo a com-
pronde tur cos, ora bo lesa e car-
ta aki. Lesá duro, pa mi tambepor
tende un biaha mas, y bisami eo-
ra, si ta existi un payaso mas
grandi cu mi den e mundu aki".



Aki Theo van Eljck, mecanico di marina Hulandes
di 21 anja, kende dia siete di maart ultimo a hui cu
un avion Grumman Tracker for di Malta pa Libie,
cu ultimamente a regresa Hulanda for di Benghazi
Banda di dje den uniform, Marechaussee cu a arres-
te na su jegada.

cion, toch lo mi por a compron-
de pa bo. Kizas ta pesey, mi ta
stimabo asina hopi, pasobra mi
sa, cu hamas bo por haci algo
malo. Dushi, bo no mester jora
awor." Cu ternura Frenky a coy
Brigit tene den su brazanan y ca-
ricielele. "Bo ta skirbié, no? Bo
mester spliké tur cos, y mi ta si-
gur cu e lo compronde. Casi Bri-
git por a muridi berguenza. E ta-
bata primi sufrencia contra Fren-
ky su pecho, y awa di wowo taba-
ta corre riba su cara. Frenky...
mimi ta haya cu ta asina fal-
so.... Amor ta bini di Dios, Bri-
git ta con por ta posibel, cu e ta
falso anto? Pakiko bo ta castiga bo
mes asina. Te ora bo ta completa-
mente liber, anto bo por tadi mi."
Frenky, di con bo por stimami
asina hopi? mi no merecé.

"Scht...., tur cos lo drecha.
Cu un consenshi limpi bolo skir-
bié." "Cu un consenshi limpi",
Brigit a ripiti. El a sera su wo-
nonan, y tambe su boca a ceda
keto. Mi no por bisa e berdad a-
wor, e ta pensa. Awor no mas....
Profesor Miller tabata biba den
un cas, cu ta keda mas of menos
10 kilometer for di New York. Sra.
Miller, a bini junto cu su mayo-
nan for di Alemania. Laure taba-
ta tin un mama Aleman, Laure ta-
bata nan unico jiu muhé y e tabata
papia Aleman casi mes bon cu su
mama. Riba e terreno ey, notaba-
ta difícil pa José. E tabata tin un

bunita cuarto pa é so, y for di dia
cu e ta eynan, el a sinti masha
bon. Pero di repente José a cu-
minza cambia. Laure tabata sa
e motibo dicon José tabata tris-
to, y e tambe tabata tristo e dia
ey. E tabata sa cu den José su
kamber, e maleta tabata pagué-
ta caba. E kler a bay Alemania
bek, na su cas, serca e mucha
muhé, na unda su curazon ta per-
tenece por completo, y di kende
varios siman caba e no a haya
tende nada. Laure a ofrecé pa
hibé New York den su auto, net
ora e cartero a trece un carta.
"Pa bo huesped, casi sigur e-
saki ta e carta riba cual el a
spera hopi". "Si, mesora mi ta
hibé pé", Laure a bisa. El a
hanja José ta lesa. "Ta ora di
bay caba? Mi ta bin mesora,
Laure". Tin un cartapa bo,
kizas bo por lese ainda, prome
bo bay. No, no ta di dje, e car-
ta ta, pero toch e carta ta bin
di Alemania". El a duné e car-
ta y el a ripara cu José tabata
emocioná. Cu trabao el a habri
e envelop. Laure ta sinti su mes
tristo, el a baha su cabez y su
lipnan a cuminsa tembla. Poco
poco el a sali di eyden, y ora
cu el a jega pafo, e a primi su
niannan contra su pecho. Paden
José a rek su curpa patras den
su stoel. Su cara tabata palido.
El a hiza su moketenan den lai-
re y a pone su mannan na su ca-

NP KIRBY


pa cortesia di:

JAN BODEGOM & CO (ARUBA) N.V.

Agente exclusivo di FRIESCHE VLAG

lechi evaporado y lechi en polvo

MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.



BUCHI ROBEZ




PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION FOR INCOMING, LOCAL & OUTGOING CARGOES BY AIR, SEA AND LAND



DICK TRACY



Horoscopo personal

ARIES-21 di maart-20 di april- Esaki ta un bon dia pa negoshinan. Bendementu di mercancia ta especialmente favoreci.

TAURO-21 di april-21 di mei- Pone tur bo atencion na asunto polemico cu ta surgi na bo trabao. Esaki ta un dia di berdadero progreso.

GEMINIS-22 di mei-21 di juni- Si bo tin un contract nobo den bo cabes e dia aki, cerele y si ta posibel saca un bon utilidad for di dje.

CANCER-22 di juni-23 di juli- Atende bo negoshinan cu un cabes claro y un espiritu progresista. E mehor resultadonan ta worde obtene di un esfuerzo honrado.

LEO-24 di juli-23 di augustus- Si bo ta interesa den bon raisan e den edeficionan, e dia aki bo mester por obtene bon resultado nan.

VIRGO-24 di augustus-23 di september- Comercio ta yamabo. Hasi cualquier aregio comercial pa bo aprovecha e oportunidad cu worde hasi na Virgo.

LIBRA-24 di september-23 di october- Si nan pidi pa escobe entre un cantidad di cos, evita di husgan solamente pa nan balor material. Studia e demas angulonnan.

ESCORPION-24 di october-22 di november- Bo tin un biahe den bo mente. Si bo hasi bo aregionan adelanta, anto esaki ta un bon dia pa bo inicia e biahe.

SAGITARIO-23 di november- 22 di december- Eficencia ta e mior caminda pa progreso actualmente. No depende di bo amigonan pa bo tin exito.

CAPRICORNIO-23 di december- 20 di januari- Esaki ta un bon dia pa bo pone e cosnan na orden. Atende e correspondencia tambe.

ACUARIO-21 di januari-19 di februari- Prome bo inverti placa den un cos, sea seguro prome cu lo bo tin un bon utilidad. No laga nan ganiabo.

PISCIS-20 di februari - 20 di maart- Loke bo tin ta hal hopi oranan calcula e resultadonan. Evita di aplasa e cosnan pa manian.

TENCION NA BOLIVIA

LA PAZ, 16 april - Gobierno di Bolivia a tuma medidanan di seguridad pa evita posible desarrollonan despues di untratamentu entre lider di campesino cerca dje ministerio di asuntunan agraria na La Paz. Polis ta haci un investigacion pe morto di dos homber., e diputado Felipe Flores, secretario general dje federacion di campesinonan di Bolivia y Arturo Loayza un funcionario dje federacion di La Paz. Despues di un pleitu chiqui tocante kestionnan politico nan a tira cu revolver. Nan tin miedo cu e incidente, asina den poco dia pe eleccionnan lo aumenta e tension politico.

Buncha na Pakistan

URAWALPINDI, 16 april - dr. Ralph Bunche, e sub secretario di Nacionnan Uni pa asuntunan politico, ayera a llega Rawalpindi pa delibera cu e autoridadan di Pakistan tocante e pregunta, si tin meste di mas observador di Nacionnan Uni banda dje linea di armisticio na Kasjmier. Awe e lo delibera na Nueva Delhi cu e miembroman di estado di India tocante e kestion. Despues e lo bishita e parti di India y Pakistan di Kasjmier.